

"It's more purposeful when you don't do something only for yourself but when adding other people that you don't even know or have never even met, when you start playing for others" Siya Kolisi

GO BOKKE

Ek het beide die kwart- en halfeindronde van die Rugby Wêreldbeker misgeloop aangesien ek op die tye wat die wedstryde gespeel is, in die lug was. Dit is waarskynlik 'n goeie ding, want ek dink nie my senuwees sou die spanning van albei eenpunt-wedstryd-oorwinnings gemaak het nie. Ek het te dikwels gesien hoe my span in die laaste minuut verloor het – dit was goed om aan die regte kant uit te kom. Mag die beste span hierdie week wen – solank dit net die Bokspan is.

AREND VENTER

In Maart vanjaar is Arend Venter as 'n Sitruslegende by die CGA *Citrus Summit* erken. Dit was met groot hartseer dat ons hierdie week van die afsterwe van Arend verneem het. Arend het die lewens van baie in die sitrusbedryf aangeraak – en sy harde werk het die basis vir 'n suksesvolle sitrusbedryf gevorm. Hy sal gemis word.

VSA

Volgende week sal alle oë op Johannesburg gerig wees wanneer Suid-Afrika die AGOA- (*African Growth and Opportunity Act*) beraad aanbied. Om hierdie week in Washington te wees, het my die geleentheid gebied om met beide die Verenigde State se Departement van Landbou (USDA) en die Verenigde State se Handelsvertegenwoordiger (USTR) te ontmoet.

Sedert 1998, het Suid-Afrika sitrus vanaf die Noord- en Wes-Kaap na die VSA uitgevoer, wat van 200 000 kartonne (15 kg) tot meer as 60 000 ton gegroei het. AGOA se hersiening is in 2025, en soos altyd, is daar kommer oor hernuwing en voortgesette Suid-Afrikaanse insluiting. AGOA is belangrik vir bestaande produsente wat "duty-free" toegang tot die Amerikaanse mark geniet. Dit plaas Suid-Afrika op gelyke voet met Suid-Amerikaanse mededingers wat ook voorkeur-handelsooreenkomste het. AGOA is nie 'n handelsooreenkoms nie, wat beteken dat dit hernu moet word sodra die termyn eindig (in hierdie geval tien jaar vanaf 2015 tot 2025). Daar word gehoop dat die hernuwing binnekort verseker sal word, om vertroue in uitvoere vorentoe te verseker. Op langer termyn, sal die sitrusbedryf verkies dat 'n handelsooreenkoms gesluit word, aangesien dit veiliger sal wees en baie ander aspekte as net tariewe kan insluit. Vir die res van die land – wat 85% van die bedryf verteenwoordig – wag toegang tot die VSA op die finalisering van die finale reëls vir die invoer van sitrusvrugte uit gebiede met CBS – 'n finale reël wat in 2016 gesluit is maar nog onderteken moet word ('n proses wat normaalweg ses maande duur). Daar is hoop dat hierdie kwessie ook tydens die AGOA *Summit* beraadslagings bespreek sal word. Die wyer toegang tot die VSA is veral belangrik vir die mandarynsektor, aangesien aanplantings in Limpopo en Oos-Kaap nou uitvoer kwaliteit vrugte dra. Invoerders van mandaryne in die VSA het 'n voorkeur vir somersitrus uit Suid-Afrika aangedui, wat nie binnelandse Amerikaanse voorrade sal beïnvloed nie en verseker dat verbruikers deur die jaar lojaal aan die mandaryne-kategorie bly.

SITRUSKOÖRDINERINGSVERGADERING

Vir baie jare het DALRRD 'n sitruskoördineringsvergadering gehou, wat 'n nabetragting van die vorige seisoen, en beplanning vir die volgende seisoen, moontlik gemaak het. In 'n brief van DALRRD se DDG Serage, is CGA ingelig dat daar geen koördineringsvergadering in 2023 sal wees nie. In daardie brief sê die DDG dat "we will be arranging meetings directly with growers to provide post-season feedback". Produsente wat nie deur DALRRD gekontak is nie, moet DDG Serage by SerageD@Dalrrd.gov.za kontak vir inligting wat gewoonlik by die koördineringsvergadering bespreek word.

GEPAK EN VERSKEEP

Einde van Week 42 Miljoen 15 kg Kartonne	Gepak	Gepak	Gepak	Verskeep	Verskeep	Oorspronklike skatting	Nuutste voorspelling	Finaal gepak
BRON: PPECB/AGRIHUB	2021	2022	2023	2022	2023	2023	2023	2022
Pomelo's	20.3 m	16.7 m	14.7 m	14.9 m	13.9 m	14.4 m	14.7 m	16.7 m
Mandaryne	30.7 m	31.8 m	37.9 m	31.8 m	37.8 m	34.1 m	37.9 m	31.8 m
Suurlimoene	31.1 m	34.7 m	35.6 m	34.1 m	35.0 m	37.3 m	35.6 m	34.7 m
Nawels	27.2 m	27.8 m	24.7 m	27.4 m	24.6 m	25.3 m	24.7 m	27.8 m
Valencias	55.3 m	53.8 m	52.0 m	50.0 m	50.1 m	54.5 m	52.1 m	53.8 m
Totaal	164.6m	164.8m	164.9m	158.2 m	161.4 m	165.6 m	165.0 m	164.8 m

THE CGA GROUP (CRI, RIVER BIOSCIENCE, XSIT, CGA CULTIVAR COMPANY, CGA GROWER DEVELOPMENT COMPANY & CITRUS ACADEMY) ARE SUPPORTED BY AND WORK FOR THE SOUTHERN AFRICAN CITRUS GROWERS'